

Furmaziun professionala e talents

Mesiras per l'ulteriur
svilup ed il
rinforzament



Amt für Berufsbildung
Uffizi per la furmaziun professiunala
Ufficio della formazione professionale

Introducziun

Il chantun Grischun rinforza la promoziun da talents en la furmaziun professiunala da basa. Il nov concept «Furmaziun professiunala e talents» ed il document respectiv per realisar las mesiras mussan, co che la cussegliaziun, la coordinaziun, la communicaziun sco er ils models da furmaziun e da lavur vegnan sviluppads vinavant sistematicamain, per che giuvens talents possian cumbinar en moda optimala lur scolaziun cun sport, musica ed art.

Las partiziuns Cussegliaziun da professiun, da studi e da carriera (CPSC) e Surveglianza da la furmaziun professiunala da l'Uffizi per la furmaziun professiunala (UCFP) han elavurà e priorisà las 16 mesiras e definì ils projects da realisaziun respectivs – quai en collavuraziun cun l'Uffizi per la scola populara ed il sport (USS), partiziun graubündenSport, e cun l'Uffizi da cultura (UdC), partiziun Promoziun da la cultura.

En il center stat ina cussegliaziun qualifitgada, cleras cumpetenzas e structuradas da cooperaziun, ina communicaziun transparenta sco era models d'emprender e da lavurar flexibels. Ils talents duain vegnir accompagnads en moda reliabla sur tut ils stgalims da furmaziun – cun personas da contact bain visiblas, purschidas da sustegn digitalas, manaschis che resguardan ils basegns dals talents e personas spezialisadas ch'èn scoladas sistematicamain.

Il pachet da mesiras sa basa sin in'analisa cumplessiva da la situaziun, ina cumparegliaziun cun auters chantuns e l'integraziun da gruppas d'interess centralas. El sa drizza als uffizis involvids (USS – partiziun graubündenSport, UdC – partiziun Promoziun da la cultura, UCFP), a las scolas professiunalas spezialisadas, als manaschis, als purschiders da curs intermanaschials (CI) ed a las instituziuns da sport, musica ed art. Ed el serva sco basa da lavur communabla per garantir duraivlamain e sviluppar vinavant la promoziun da talents en la furmaziun professiunala da basa.

Uffizi per la furmaziun professiunala, post spezialisà Furmaziun professiunala e talents


Legenda

- Prio ●●● Auta prioritad
- Prio ●●○ Prioritad mesauna
- Prio ●○○ Bassa prioritad



Jonas Bärfuss

Cussegliaziun



Prio ●●●

1. Rait da cussegliaziun

La rait da cussegliaziun existenta vegn rinforzada cun cumpetenzas cleramain definidas e cun ina collavuraziun lianta (UCFP, partiziun CPSC, post spezialisà Furmaziun professiunala e talents, USS, partiziun graubündenSport, UdC, partiziun Promoziun da la cultura, scolas professiunalas spezialisadas, manaschis, purschiders da CI, instituziuns da sport, musica ed art). Purschidas e puncts da contact vegnan coordinads per meglierar la collavuraziun.

Finamiras:

- Installà ina rait da cussegliaziun interstgalmara ch'è coordinada en moda lianta
- Procurà per cleras rollas, clers process e cleras vias da communicaziun tranter ils acturs participads
- Procurà ch'ils talents èn accompagnads cun continuadamain sur tut ils stgalims da furmaziun



Prio ●●○

2. Cussegliadras e cussegliaders spezialisads

Las cussegliadras ed ils cussegliaders spezialisads vegnan scolads sistematicamain en las tematicas da la cumpatibilitad tranter il sport da prestaziun, la musica u l'art e la furmaziun professiunala da basa. Las scolaziuns vegnan fatgas da posts spezialisads. En quest connex vegnan er tematisadas las cundiziuns generalas relevantas e las pussaivladads da promoziun.

Finamiras:

- Las cussegliadras ed ils cussegliaders spezialisads han cumpetenzas unitaras per accompagnar ils talents
- Enconuschientschas actualas davart las cundiziuns da basa e las pussaivladads da promoziun èn avant maun en l'entir chantun
- Procurà en tut il chantun per ina qualitat da cussegliaziun consistenta



Prio ●●●

3. Installar in register da talents

Per registrar ad uras giuvenils talentads vegn introduci in register da talents digital. Complementarmain collia ina plattafurma da communicaziun centrala tut ils acturs participads e pussibiliteschas ina collavuraziun transparenta ed effizienta.

Finamiras:

- Registrà sistematicamain ed ad uras ils giuvenils talentads
- Procurà per in barat d'infurmaziuns coordinà tranter ils acturs, observond la protecziun da datas
- Procurà per ina collavuraziun transparenta en connex cun l'accompagnament dals talents

Coordinaziun e colliaziun



Prio ●●●

4. Etablir ina coordinaziun entaifer il chantun

Il barat cun ils acturs participads vegn promovì en inscunters da coordinaziun entaifer il chantun. Quests inscunters èn regulars e structurads.

Finamiras:

- Coordinà regularmain il proceder dals acturs participads
- Tratg a niz sistematicain las sinergias tranter las instituziuns
- Procurà en l'entir chantun per ina promoziun da talents coordinada



Prio ●●○

5. Rait da manaschis che resguardan ils basegns dals talents

I vegn installà ina rait chantunala da manaschis che resguardan ils basegns dals talents. Quella promova il transfer sistematic da savida e d'experientschas ed augmenta il grad d'enconuschienscha dals manaschis che s'engaschan per talents.

Finamiras:

- Manaschis che resguardan ils basegns dals talents èn colliads ed enconuschents
- Etablì in barat sistematic da savida e d'experientschas tranter ils manaschis
- Rinforzà la realisaziun da models da scolaiziun favuraivels per talents



Prio ●●●

6. Introducir personas da coordinaziun en las scolas professiunalas spezialisadas

En tut las scolas professiunalas spezialisadas dal chantun vegnan introducidas personas da coordinaziun. Questas personas duain agir sco intermediaturas tranter la scola professiunala spezialisada, ils talents, ils geniturs, ils partenaris da sport, musica ed art e l'Uffizi per la furmaziun professiunala.

Finamiras:

- Tut las scolas professiunalas spezialisadas han cleras personas da contact per ils talents
- Coordinà la collavuraziun tranter las scolas, ils manaschis e las instituziuns da promoziun
- Procurà per in accompagnament permanent dals talents en il mintgadi da scola

Zoé Mannhart





Bela Dumrath



Xenia von Siebenthal

Communicaziun



Prio ●●●

7. Sviluppar ina plattafurma da communicaziun

Ina plattafurma da communicaziun digitala vegn sviluppada ed extendida. Ella simplifitgescha la coordinaziun da termins, absenzas, infurmaziuns da prestaziuns e documents e pussibilitescha vias da communicaziun transparentas tranter tut las personas participadas.

Finamiras:

- Procurà per vias da communicaziun coordinadas tranter tut ils acturs
- Ina basa d'infurmaziun transparenta per l'accompagnament dals talents è avant maun
- Reduci las perditas d'infurmaziuns tranter las instituziuns



Prio ●●●

8. Publitgar istorgias da success

Istorgias da success da talents vegnan publitgadas regularmain. Ellas mussan exempels reussids da la furmaziun professiunala e fan uschia enconuscenta la promoziun da talents.

Finamiras:

- Fatg enconuscentas las vias da furmaziun da talents curunadas da success
- Rinforzà la motivaziun da talents
- Augmentà l'acceptanza dals manaschis per la promoziun da talents

Politica e basas giuridicas



Prio ●○○

9. Examinar la flexibilisaziun

Recumandaziuns e directivas davart il pensum d'instrucziun, ils temps da lavur, las absenzas e l'access a scolaziuns vegnan examinadas, adattadas entaifer las cundiziuns generalas legalas e communitgadas.

Finamiras:

- Coordinà las cundiziuns generalas chantunalas per models da scolaziun flexibels
- Pertutgant absenzas e temps da lavur èn avant maun cleras reglas
- Procurà per ina meglra cumpatibilitad da la scolaziun cun la promoziun da talents



Prio ●●●

10. Garanzia persistente da las resursas

La finanziaziun dals posts da coordinaziun a las scolas professiunalas spezializadas ed a las prestaziuns da cussegliaziun vegn garantida.

Finamiras:

- Garantì a lunga vista la finanziaziun da las structures da coordinaziun
- Garantì en moda persistente la finanziaziun da las prestaziuns da cussegliaziun

Furmaziun



Prio ●●○

11. Extender purschidas d'emprender digitalas

Ils models cun uraris ed examens flexibels vegnan extendids e las purschidas d'emprender e da sustegn augmentadas. Persunas d'instrucziun vegnan perfecziunadas sistematicamain per sustegnair il meglier pussaivel ils talents.

Finamiras:

- Purschidas d'emprender flexiblas e digitalas per talents
- Concepts da blended-learning en la scolaziun
- Meglierà la cumpatibilitad da la scolaziun cun la promoziun da talents



Prio ●●○

12. Flexibilisar uraris ed examens

Ils models cun uraris ed examens flexibels ch'èn curunads da success vegnan extendids.

Finamiras:

- Realisà models cun uraris ed examens flexibels en pliras professiuns
- Etablì models flexibels en pliras scolas professiunalas spezialisadas
- Talents profiteschon da structuras da scolaziun adattadas



Prio ●●○

13. Perfecziunar las persunas d'instrucziun

Per las persunas d'instrucziun vegnan sviluppadas ed introducidas purschidas da perfecziunament. Quellas èn modularas e sa basan sin la pratica. Ellas concentreschan savida relevanta e procuran che las persunas d'instrucziun èn ablas d'accompagnar competentamain emprendistas ed emprendists talentads en ils models da scolaziun flexibels.

Finamiras:

- Persunas d'instrucziun han cumpetenzas praticas per accompagnar emprendistas ed emprendists talentads
- Procurà per segirezza giuridica en connex cun il diever da models da scolaziun flexibels
- Rinforzà las cumpetenzas didacticas per las vias da scolaziun individualisadas



Andri Caviezel

Economia




Prio ●●○

14. Installar manaschis d'emprendissadi che resguardan ils basegns dals talents

Ina rait chantunala da manaschis d'emprendissadi che resguardan ils basegns dals talents vegn installada. Quai duai succeder cun sviluppar criteris liants sco er cun mesiras da sensibilisaziun e communicaziun sistematicas, per augmentar il grad d'enconuschientscha e per motivar ulteriurs manaschis da cooperar.

Finamiras:

- Definì criteris per manaschis d'emprendissadi che resguardan ils basegns dals talents
- Collià visiblamain en il chantun ils manaschis d'emprendissadi che resguardan ils basegns dals talents
- Rinforzà l'engaschi dals manaschis per la promoziun da talents



Prio ●○○

15. Rinforzar la collavuraziun da las associaziuns economicas

La collavuraziun cun las associaziuns economicas dal chantun vegn rinforzada per francar la promoziun dals talents en la politica da las plazzas d'emprendissadi.

Finamiras:

- Francà la promoziun da talents en la politica da plazzas d'emprendissadi da las associaziuns economicas
- Rinforzà il sustegn da las associaziuns per ils manaschis che resguardan ils basegns dals talents
- Meglierà la cumpatibilitad da la furmaziun professiunala cun la promoziun da talents

Sport, musica ed art



Prio ●○○

16. Organisar occurrenz per crear raits

Occurrenz per sensibilisar e per crear raits vegnan organisadas per promover il barat e per colliar pli stretgmain la furmaziun professiunala, l'economia ed il sport, la musica e l'art.

Finamiras:

- Rinforzà la collavuraziun tranter la furmaziun, l'economia sco er il sport, la musica e l'art
- Instituzionalisà il barat tranter las instituziuns participadas
- Etablì il svilup da soluziuns cuminaivlas en la promoziun da talents

Andri Steinmann



Impressum



Editur

Amt für Berufsbildung
Uffizi per la furmaziun professiunala
Ufficio della formazione professionale
Grabenstrasse 1
7001 Cuir
+41 81 257 27 72
biz@afb.gr.ch
www.berufsbildung.gr.ch



Incumbensà / producent / concept / rapport ed auturas ed auturs

Sport Excellence ScRL
www.sport-excellence.ch



Layout

kgms gmbh
www.kgms.ch



Fotografias

Pagina dal titel: Beni Waidacher (hockey), Simon Gabriel (trumbetta)
Swiss Ski
Club da hockey da Tavau
Club da ballape Son Gagl
Orcières Merlette 1850



Onn da publicaziun

2026

